



**UNIVERSITI TUN HUSSEIN ONN MALAYSIA**

**PEPERIKSAAN AKHIR  
SEMESTER II  
SESI 2014/2015**

NAMA KURSUS : PENGAJIAN ISLAM

KOD KURSUS : UWA 10102

PROGRAM : 1 BBA / BBB / BBC / BBD / BBE / BBF /  
BBG / BDD / BEJ / BEV / BFF / BIM /  
BIP / BIS / BIT / BIW / BNB / BNC /  
BND / BNH / BNK / BNL / BNN / BPA /  
BPB / BPC / BPD / BWC  
2 BBB / BBC / BBG / BDD / BEV / BFF /  
BIP / BIP / BIW / BPA / BPB / BPD  
3 BEJ / BEV / BFF / BIS / BPC  
4 BFF

TARIKH PEPERIKSAAN: JUN 2015 / JULAI 2015

JANGKA MASA : 2 JAM

ARAHAN : A) JAWAB SEMUA SOALAN DALAM  
BORANG OMR YANG DISEDIAKAN  
B) DILARANG MEMBAWA KERTAS  
SOALAN INI KELUAR DARI  
DEWAN PEPERIKSAAN

KERTAS SOALAN INI MENGANDUNGI **SEMBILAN BELAS (19)** MUKA SURAT

S1 Apakah maksud perkataan *aslama* dalam Bahasa Melayu?

- A Keimanan
- B Ketaqwaan
- C Keselamatan
- D Kesejahteraan

S2 Apakah maksud yang paling tepat berkaitan pengertian Islam?

- A Islam adalah penyerahan diri kepada Allah S.W.T. dengan taat, tunduk dan patuh, keikhlasan dalam diri secara menyeluruh kepada ajaranNya yang dibawa oleh Nabi Muhammad S.A.W.
- B Islam adalah penyerahan diri sepenuhnya kepada Allah S.W.T. dengan mentauhidkanNya secara menyeluruh dan beriman kepada ajaranNya yang dibawa oleh Nabi Muhammad S.A.W.
- C Islam adalah suatu penyerahan diri kepada Allah S.W.T. dengan mempercayai rukun Iman melalui keikhlasan dalam diri secara menyeluruh serta beriman kepada ajaranNya yang dibawa oleh Nabi Muhammad S.A.W.
- D Islam adalah penyerahan kepada Allah S.W.T. dengan mengamalkan rukun Islam sepenuhnya, tunduk dan patuh, keikhlasan yang lahir dalam diri secara menyeluruh terhadap ajaran yang dibawa oleh Nabi Muhammad S.A.W.

S3 Manakah langkah yang paling utama bagi menjadikan Islam sebagai ad-Deen?

- A Mempelajari dan meyakini segala perintah suruhan Allah S.W.T.
- B Mempelajari, meyakini, menerima dan mengamalkan sepenuhnya segala perintah Allah S.W.T. dalam kehidupan
- C Berusaha mempelajari dan memahami semua peraturan yang ditetapkan Allah S.W.T. hanya bersesuaian dengan manusia
- D Berusaha mempelajari dan menerima Islam sebagai undang-undang dan peraturan Allah S.W.T. dalam semua urusan kehidupan

S4 Apakah perbezaan antara agama Islam dengan agama ciptaan manusia?

- A Mempunyai pengasas
- B Memberikan ganjaran
- C Mempunyai sumber rujukan
- D Membimbing kepada perkara kebaikan

Soalan 5 dan 6 merujuk kepada maksud ayat al-Quran dalam Pernyataan 1.

**Pernyataan 1**

"Wahai orang-orang yang beriman, masuklah kamu ke dalam agama Islam (dengan mematuhi) seluruh hukum-hakamnya"

(al-Baqarah: 208)

- S5** Apakah pengajaran ayat dalam Pernyataan 1 di atas?
- A Agama Islam merupakan agama wahyu
  - B Mereka yang beriman akan mendapat balasan syurga
  - C Agama Islam adalah agama yang diterima Allah S.W.T.
  - D Mereka yang beriman akan menerima Islam sepenuhnya
- S6** Apakah ciri seorang muslim yang mempunyai hubungan dengan ayat al-Quran dalam Pernyataan 1 di atas?
- A Menolak secara mutlak agama lain selain daripada agama Islam
  - B Mengamalkan peraturan Islam sepenuhnya dalam semua urusan kehidupan
  - C Meyakini hanya kepada Allah S.W.T. dan kerasulan Nabi Muhammad S.A.W.
  - D Mengakui bahawa peraturan yang ditentukan bersesuaian dengan fitrah manusia
- S7** Manakah pernyataan yang menjelaskan bahawa agama Islam bersifat syumul?
- I Ajarannya meliputi urusan dunia dan akhirat
  - II Mempunyai undang-undang dan peraturan yang lengkap
  - III Bersesuaian diamalkan oleh seluruh umat manusia di seluruh dunia
  - IV Merangkumi seluruh kehidupan manusia sama ada jasmani dan rohani
- A I, II dan III sahaja
  - B I, II dan IV sahaja
  - C II, III dan IV sahaja
  - D I, II, III dan IV
- S8** Apakah asas Islam yang merujuk kepada aspek keyakinan individu terhadap Islam?
- A Akhlak
  - B Akidah
  - C Syariah
  - D Maqasid al-Syariah



- S9** Apakah yang dimaksudkan dengan ijmak?
- A Persetujuan para mujtahid untuk menentukan suatu hukum syarak
  - B Kesepakatan seluruh mujtahid untuk menentukan suatu hukum syarak
  - C Persetujuan para mujtahid untuk menentukan sesuatu hukum yang disepakati selepas kewafatan Nabi Muhammad S.A.W.
  - D Kesepakatan seluruh mujtahid selepas kewafatan Nabi Muhammad S.A.W. pada suatu zaman terhadap sesuatu hukum syarak
- S10** Manakah yang berikut adalah jenis-jenis ijmak?
- A Ijmak *sorih* dan ijmak *aula*
  - B Ijmak *sukuti* dan ijmak *jaliy*
  - C Ijmak *sorih* dan ijmak *sukuti*
  - D Ijmak *sukuti* dan ijmak *musawi*
- S11** Apakah yang dimaksudkan dengan al-Furqan?
- A Peringatan
  - B Pemberitahuan
  - C Panduan kepada manusia
  - D Pemisah antara hak dan batil

Soalan 12 hingga 14 adalah berdasarkan kepada Jadual 1 di bawah. Pilih jawapan yang betul.

**Jadual 1**

A	<i>Istihsan</i>
B	<i>Istishab</i>
C	<i>Sad al-Zaraie</i>
D	<i>Masalih al-Mursalah</i>

- S12** Apakah sumber hukum yang memutuskan sesuatu berasaskan kepada prinsip kebaikan umum ke atas suatu perkara yang tidak terdapat dalam al-Quran dan Hadith secara jelas?
- S13** Apakah sumber hukum yang mengenyakan sesuatu hukum yang mempunyai dalil atas suatu perkara dengan mengambil hukum lain yang lebih kukuh dan lebih kuat daripada hukum pertama yang berasaskan kepada dalil syarak yang membolehkan tindakan sedemikian?
- S14** Apakah sumber hukum yang mengekalkan hukum terdahulu selagi belum terdapat dalil yang mengubah hukum tersebut?



**S15** Apakah yang dimaksudkan dengan Hadith *Maudu*’?

- A Hadith yang merupakan rekaan manusia semata-mata
- B Hadith yang mempunyai kelemahan sama ada matan atau sanad
- C Hadith yang mempunyai matan atau sanad yang dipercayai berkualiti dan kuat
- D Hadith yang diriwayatkan oleh ramai perawi yang berkualiti sehingga tidak mungkin berlaku kesalahan

**S16** Apakah nama-nama lain bagi al-Quran?

- I al-Zikr
  - II al-Kitab
  - III al-Tanzil
  - IV al-Furqan
- A I, II dan III sahaja
  - B I, II dan IV sahaja
  - C II, III dan IV sahaja
  - D I, II, III dan IV

**S17** Mengapakah generasi terawal umat Islam tidak memerlukan ilmu khusus bagi memahami ayat-ayat al-Quran?

- I Mereka menjadikan Rasulullah S.A.W. sebagai rujukan utama
  - II Rasulullah S.A.W. membenarkan para sahabat untuk berijtihad
  - III Generasi awal umat Islam sangat memahami al-Quran sehingga tidak memerlukan ilmu-ilmu sokongan
  - IV Umat Islam telah terdedah kepada keadaan yang memerlukan ilmu khusus dalam menyelesaikan permasalahan umat
- A I, II dan III sahaja
  - B I, II dan IV sahaja
  - C II, III dan IV sahaja
  - D I, II, III dan IV

**S18** Siapakah yang menjadi pelopor kepada pengkajian ilmu-ilmu al-Quran dalam kalangan sahabat pada abad pertama Hijrah?

- A Ibn Mas'ud
- B Malik bin Anas
- C Umar bin Abdul Aziz
- D Hammam bin Munabbih

S19 Apakah penekanan utama dalam pengajaran al-Quran?

- A Sifat semulajadi manusia
- B Konsep ketauhidan Allah S.W.T.
- C Kepentingan memperakui kewujudan Allah S.W.T.
- D Akhlak dan tanggungjawab manusia sebagai khalifah Allah S.W.T.

Soalan 20 dan 21 adalah berdasarkan kepada Jadual 2 di bawah. Pilih jawapan yang betul.

**Jadual 2**

A	<i>Badi' al-Quran</i>
B	<i>Aqsam al-Quran</i>
C	<i>Hujajil al-Quran</i>
D	<i>Al-Rasm al-Quran</i>

S20 Apakah nama ilmu yang membincangkan tentang pelbagai jenis keindahan makna dan perumpamaan dalam ayat-ayat al-Quran?

S21 Apakah nama ilmu yang menyelaraskan sistem tulisan dan sebutan al-Quran?

S22 Mengapakah penulisan Hadith dilarang pada zaman Nabi Muhammad S.A.W.?

- I Mendapat larangan daripada baginda sendiri
  - II Para sahabat masih mementingkan al-Quran daripada Hadith
  - III Kebimbangan akan berlaku percampuran antara al-Quran dan Hadith
  - IV Para sahabat mempunyai daya ingatan dalam mengingati hadith-hadith nabi
- A I, II dan III sahaja
  - B I, II dan IV sahaja
  - C II, III dan IV sahaja
  - D I, II, III dan IV

S23 Apakah koleksi Hadis yang ditulis pada pertengahan kurun pertama Hijrah yang dikenali sebagai *Sahifah Hammam*?

- A *Sahifah Madinah*
- B *Sahifah Abu Nu'man*
- C *Sahifah Abu Hurairah*
- D *Sahifah Rasulullah S.A.W.*

**S24** Apakah *Ilm al-Jarh Wa al-Ta'dil* dalam pengkajian ilmu-ilmu Hadith?

- I Ilmu yang berkaitan dengan sanad
- II Ilmu yang membincangkan berkaitan dengan perawi
- III Ilmu bagi memudahkan seseorang memahami ilmu hadith
- IV Ilmu yang membincangkan sebab-sebab yang boleh mencatitkan kesahihan sesuatu hadith

- A I, II dan III sahaja
- B I, II dan IV sahaja
- C II, III dan IV sahaja
- D I, II, III dan IV

**S25** Siapakah golongan yang memiliki akidah sahih seperti Rasulullah S.A.W. dan para sahabat?

- A Murji'ah
- B Jabariyah
- C Hanabilah
- D Musyabbihah

**S26** Siapakah golongan ulama yang mentakrifkan Sunnah sebagai sesuatu perkara yang diterima oleh Rasulullah S.A.W. yang tidak menunjukkan fardhu atau wajib?

- A Ulama Fiqh
- B Ulama Hadith
- C Ulama Akidah
- D Ulama Syariah

**S27** Mengapakah timbul aliran Ahli Sunnah Wal Jamaah pada kurun ke-3 Hijrah?

- A Berlaku perselisihan besar mengenai fiqh
- B Berlaku perselisihan besar mengenai siyasah
- C Berlaku perselisihan besar mengenai akidah
- D Berlaku perselisihan besar mengenai khilafiyah

**S28** Apakah fahaman yang mendakwa bahawa al-Quran itu makhluk?

- A Jabariyah
- B Qadariyah
- C Muktazilah
- D Maturidiyah

FACULTY OF ISLAMIC STUDIES  
UNIVERSITI AL-AMINAH  
KUALA LUMPUR



- S29** Manakah yang bukan prinsip-prinsip Ahli Sunnah Wal Jamaah?
- A Allah S.W.T. dapat dilihat di akhirat kelak
  - B Wujudnya seksa kubur dan kehidupan akhirat
  - C Iman adalah sesuatu perkara yang tetap dan tidak berubah dalam jiwa
  - D Pelaku dosa besar dalam kalangan orang beriman akan diazab di akhirat
- S30** Siapakah dua tokoh Ahli Sunnah Wal Jamaah yang terkenal?
- A Abu Hasan al-Ash'ari dan Wasil bin Ata'
  - B Abu Hasan al-Ash'ari dan Abu Ali al-Jubai
  - C Abu Mansur al-Maturidi dan Wasil bin Ata'
  - D Abu Hasan al-Ash'ari dan Abu Mansur al-Maturidi
- S31** Siapakah golongan yang menggunakan kaedah *Ta'wil* untuk ayat-ayat *Mutasyabbihat*?
- A Salaf
  - B Khalaf
  - C Murji'ah
  - D Khawarij
- S32** Manakah yang berikut adalah manhaj Akidah Ahli Sunnah Wal Jamaah?
- I Berpegang kepada prinsip al-Salaf al-Soleh
  - II Berpegang teguh kepada al-Quran dan Hadith
  - III Tidak mencela dan mengkafirkan orang yang tidak sealiran dengan mereka
  - IV Merujuk kepada nas syarak apabila terdapat sebarang perselisihan pandangan
- A I, II dan III sahaja
  - B I, II dan IV sahaja
  - C II, III dan IV sahaja
  - D I, II, III dan IV
- S33** Mengapakah pengasas Muktazilah bertindak keluar dari Ahli Sunnah Wal Jamaah?
- A Menolak pandangan gurunya yang menyatakan al-Quran bukan makhluk
  - B Berselisih pendapat dengan gurunya mengenai kedudukan di akhirat bagi orang yang melakukan dosa besar
  - C Menidakkan pandangan yang menyatakan manusia boleh melihat Allah S.W.T. di akhirat dengan mata sendiri
  - D Tidak bersetuju dengan cadangan mengadakan Majlis Tahkim sebagai langkah perdamaian antara golongan penyokong Saidina Ali dan Muawiyah

S34 Apakah rukun iman yang mengaitkan kepercayaan Imam Mahdi dalam Syiah?

- A Qiamah
- B Imamah
- C Tawasul
- D Nubuwwah

S35 Manakah pengertian yang tepat mengenai ajaran sesat?

- A Ajaran atau amalan yang dibawa oleh orang Islam atau bukan Islam dengan mendakwa ajaran dan amalan tersebut bukan ajaran Islam dan ia bertentangan dengan akidah dan syariat Islamiyah
- B Ajaran atau amalan yang dibawa oleh orang Islam atau bukan Islam dengan mendakwa ajaran dan amalan tersebut merupakan ajaran agama lain dan ia terkeluar dari akidah dan syariat Islamiyah
- C Ajaran atau amalan yang dibawa oleh orang Islam atau bukan Islam dengan mendakwa ajaran dan amalan tersebut berdasarkan kepada ajaran Islam sedangkan ia bertentangan dengan akidah dan syariat Islamiyah
- D Ajaran atau amalan yang dibawa oleh orang Islam atau bukan Islam dengan mendakwa ajaran dan amalan tersebut tidak berdasarkan kepada ajaran Islam sedangkan ia tidak bertentangan dengan akidah dan syariat Islamiyah

S36 Kepercayaan golongan manakah yang mempengaruhi kelahiran aliran *Mujassimah* dan *Musyabbihat*?

- A Hindu, Buddha dan Sikh
- B Yahudi, Kristian dan Majusi
- C Khawarij, Syiah dan Muktazilah
- D Qadariyah, Jabariyah dan Imamiyah

S37 Apakah perbezaan antara *Mujassimah* dan *Musyabbihat*?

- A *Musyabbihat* menyatakan Allah S.W.T. mempunyai jisim manakala *Mujassimah* pula menyamakan Allah S.W.T. dengan makhluk
- B *Mujassimah* menyatakan Allah S.W.T. mempunyai jisim manakala *Musyabbihat* pula menyamakan Allah S.W.T. dengan makhluk
- C *Musyabbihat* menyatakan Allah S.W.T. mempunyai kuasa penuh ke atas makhluk manakala *Mujassimah* pula menafikan kekuasaan Allah S.W.T.
- D *Mujassimah* menyatakan Allah S.W.T. mempunyai kuasa penuh ke atas makhluk manakala *Musyabbihat* pula menafikan kekuasaan Allah S.W.T.

Soalan 38 dan 39 merujuk kepada maksud ayat al-Quran dalam Pernyataan 2.

**Pernyataan 2**

"Dan jika kamu takut tidak berlaku adil terhadap perempuan-perempuan yatim (apabila kamu berkahwin dengan mereka) maka berkahwinlah (dengan) sesiapa yang kamu berkenan daripada perempuan-perempuan (lain); dua, tiga atau empat, kemudian jika kamu bimbang tidak akan berlaku adil (di antara isteri-isteri kamu) maka (berkahwinlah dengan) seorang sahaja"  
(al-Nisa': 3)

- S38** Apakah penafsiran yang menyokong amalan berpoligami oleh pengikut Darul Arqam dalam Pernyataan 2 di atas?
- A Tidak wajib berlaku adil sekiranya berpoligami dengan perempuan-perempuan yatim
  - B Untuk memastikan seseorang itu boleh berlaku adil maka hendaklah dia berpoligami
  - C Pernikahan hendaklah bermula dengan berpoligami iaitu dua isteri dan seterusnya tiga dan empat
  - D Berpoligami tanpa had dengan syarat wanita yang dikahwini daripada kalangan perempuan yatim
- S39** Mengapakah kebanyakan wanita pengikut Darul Arqam mudah menerima amalan berpoligami?
- A Mereka disediakan dengan pelbagai kemudahan dari sudut material sekiranya suami mempunyai isteri yang ramai
  - B Mereka diberikan kedudukan yang mulia dalam kalangan wanita Darul Arqam sekiranya menerima untuk berpoligami
  - C Mereka dijamin mendapat kesenangan hidup di dunia dan akhirat selama mana mereka membenarkan suami berpoligami
  - D Mereka diingatkan dengan ganjaran payung emas di syurga sekiranya membenarkan suami berpoligami walaupun menyedari suami tidak mampu berlaku adil



**S40** Apakah tuntutan yang diperjuangkan oleh aliran pemikiran liberal dalam kebebasan beragama dan kepercayaan?

- I Kebebasan untuk menukar agama
- II Kesaksamaan hak bagi semua agama
- III Keturunan seseorang ditentukan oleh agama
- IV Kebenaran perkahwinan dengan berlainan agama

- A I, II dan III sahaja
- B I, II dan IV sahaja
- C II, III dan IV sahaja
- D I, II, III dan IV

**S41** Siapakah tokoh mujtahid fiqh terulung yang lahir dari kalangan aliran *Fuqaha al-Hadith*?

- A Malik bin Anas
- B Said Ibn Musayib
- C Urwah Ibn Zubair
- D Abu Bakar al-Siddiq

**S42** Siapakah tokoh mujtahid fiqh terulung yang cenderung kepada aliran *Fuqaha al-Ra'y*?

- A Ahmad bin Hanbal
- B Nu'man bin Thabit
- C Abdullah Ibn Mas'ud
- D Aswad Ibn Yazid al-Nakhaie

**S43** Apakah ilmu yang digunakan untuk mengeluarkan sesuatu hukum fiqh (*istinbat*)?

- A Usul Fiqh
- B Usul Ahkam
- C Usul Dakwah
- D Usul Mazahib

**S44** Siapakah imam mazhab yang dikenali dengan panggilan *al-Imam al-A'zam*?

- A Imam Malik
- B Imam Syafi'i
- C Imam Abu Hanifah
- D Imam Ahmad Ibn Hanbal

**S45** Apakah faktor-faktor yang menyebabkan lahirnya mazhab fiqh?

- I Perbezaan kepakaran dalam sesuatu bidang ilmu
  - II Perbezaan pendapat dalam memahami dan mentafsirkan Hadith
  - III Perbezaan pengalaman yang dialami oleh ulama dalam mengistinbat hukum
  - IV Perbezaan pendapat dalam memahami dan mentafsirkan sesetengah ayat al-Quran
- 
- A I, II dan III sahaja
  - B I, II dan IV sahaja
  - C II, III dan IV sahaja
  - D I, II, III dan IV

Soalan 46 dan 47 merujuk kepada Pernyataan 3.

**Pernyataan 3**

Semasa berada di Mesir, beliau telah mengarang kitab *al-Risalah*. Kitab ini merupakan yang pertama dikarang olehnya yang membicarakan dasar ilmu perundangan Islam. Selain daripada kitab tersebut, beliau juga telah menghasilkan kitab *Jama' al-Ilmi*, *al-Umm*, *al-Imla al-Saghir*, *al-Amaal al-Kabir*, *Mukhtasar al-Muzani* dan *Mukhtasar al-Buwaiti*. Beliau turut memperkenalkan kepada murid-muridnya satu mazhab baru iaitu *Mazhab Masri* atau *Mazhab Jadid*.

**S46** Siapakah tokoh mazhab yang dinyatakan dalam Pernyataan 3 di atas?

- A Imam Syafi'i
- B Imam Maliki
- C Imam Hanafi
- D Imam Hanbali

**S47** Apakah sumbangan tokoh tersebut kepada masyarakat Islam?

- A Mengabdikan dirinya untuk menguasai bidang fiqh
- B Menjadi rujukan dalam masalah akidah umat Islam
- C Menjadi rujukan dalam masalah fiqh dalam kalangan umat Islam
- D Mewujudkan aliran pemikiran akidah baru dalam kalangan umat Islam

**S48** Apakah nama kitab yang dikarang oleh Imam Maliki?

- A *Al-Fatawa*
- B *Al-Musnad*
- C *Al-Muwatta'*
- D *Al-Aalim wa al-Muta'allim*

**S49** Apakah asas muamalat dalam Islam?

- A Peraturan yang menghubungkan manusia dengan harta
- B Tatacara perhubungan antara manusia dengan Allah S.W.T.
- C Tatacara bagi memenuhi keperluan manusia di atas persetujuan bersama
- D Peraturan bagi memenuhi keperluan manusia berlandaskan syariat Allah S.W.T.

**S50** Apakah prinsip-prinsip muamalat Islam?

- I Keimanan dan ketakwaan kepada Allah S.W.T.
  - II Bertujuan untuk mengaut keuntungan semata-mata
  - III Sentiasa menerapkan sifat-sifat mulia dalam mencari harta kekayaan
  - IV Harta yang diperolehi boleh digunakan untuk perkara yang halal dan haram
- A I dan II sahaja
  - B I dan III sahaja
  - C II dan IV sahaja
  - D III dan IV sahaja

**S51** Apakah pengertian *wadi'ah* dari sudut istilah?

- A Memberikan kuasa kepada orang lain untuk menjaga harta
- B Meletakkan sesuatu harta kepada orang lain dengan tujuan perniagaan
- C Membuat penebusan hasil keuntungan daripada sesuatu transaksi jualbeli
- D Memberikan hak penjagaan harta kepada orang lain untuk mendapat keuntungan

**S52** Apakah prinsip-prinsip yang tidak diterima syariah dalam sistem muamalat Islam?

- I *Riba*
  - II *Gharar*
  - III *Syubhah*
  - IV Penipuan
- A I, II dan III sahaja
  - B I, II dan IV sahaja
  - C II, III dan IV sahaja
  - D I, II, III dan IV



**S53** Apakah yang dimaksudkan dengan *Bai' al-Salam*?

- A Perkongsian di antara untung dan rugi dalam perniagaan
- B Perjanjian di antara pihak yang diupah dengan pihak yang mengupah
- C Penambahan untung yang telah dipersetujui antara pembeli dengan penjual
- D Penangguhan penyerahan barang kepada pembeli mengikut syarat yang tertentu

**S54** Apakah hikmah pensyariatan *al-Qard* dalam Islam?

- I Dapat mengurangkan beban mereka yang dalam kesusahan
  - II Dapat menghapuskan kezaliman yang berlaku dengan menolak riba
  - III Amalan tolong-menolong di antara umat Islam dalam urusan pinjaman
  - IV Amalan yang menggalakkan sikap tolong-menolong di antara satu sama lain
- A I, II dan III sahaja
  - B I, II dan IV sahaja
  - C II, III dan IV sahaja
  - D I, II, III dan IV

**S55** Apakah maksud perkataan Takaful dalam Bahasa Melayu?

- A Jaminan
- B Cagaran
- C Tabungan
- D Sumbangan

**S56** Mengapakah Takaful diharuskan dalam Islam?

- I Tidak berorientasikan kepada kontrak jualbeli
  - II Tidak bertujuan mengaut keuntungan semata-mata
  - III Berbentuk perniagaan yang berorientasikan keuntungan sahaja
  - IV Berbentuk sumbangan kepada individu yang menerima musibah
- A I, II dan III sahaja
  - B I, II dan IV sahaja
  - C II, III dan IV sahaja
  - D I, II, III dan IV

**S57** Apakah matlamat utama pelaksanaan Undang-undang Jenayah Islam?

- A Pemulihan
- B Pencegahan
- C Pendakwaan
- D Penghukuman

- S58** Manakah pernyataan yang tidak menjelaskan tentang *al-Jinayah* atau *al-Jarimah* dari perspektif Islam?
- A Merujuk kepada segala bentuk kesalahan yang telah ditetapkan berdasarkan hak Allah S.W.T.
  - B Semua perbuatan yang diharamkan oleh syarak sama ada mengenai agama, nyawa, akal, keturunan dan harta
  - C Undang-undang Jenayah Islam yang diwujudkan bertujuan untuk memelihara agama, nyawa, akal, keturunan dan harta
  - D Merujuk hukuman akan dikenakan kepada manusia yang melanggar hak Allah S.W.T., hak individu dan hak Allah S.W.T. serta individu
- S59** Apakah salah satu cara pensabitan bagi penzina *ghairu muhsan*?
- A Sikap tertuduh
  - B *Qarinah* atau bukti
  - C Pengakuan dua orang saksi
  - D Keterangan dua orang saksi
- S60** Apakah hukuman bagi penzina *muhsan*?
- A Balas bunuh
  - B Buang daerah
  - C Rejam sampai mati
  - D Rotan seratus kali dan buang daerah
- S61** Apakah syarat yang mengugurkan seseorang peminum arak daripada dikenakan hukuman hudud?
- A Tahu haram
  - B Tidak darurat
  - C Bukan dipaksa
  - D Berlaku kesamaran
- S62** Apakah hukuman bagi kesalahan merompak dan membunuh?
- A Balas bunuh dan disula
  - B Balas bunuh dan disalib
  - C Potong tangan secara bersilang
  - D Rotan seratus kali dan buang daerah

- S63** Apakah hukuman bagi penjenayah bukan Islam di bawah Undang-undang Jenayah Islam?
- A Qisas
  - B Diyat
  - C Ta'zir
  - D Hudud
- S64** Apakah yang dimaksudkan dengan kesalahan qazaf ?
- I Membuat tuduhan yang bertujuan untuk mengaibkan seseorang
  - II Melemparkan tuduhan zina tanpa bukti dan saksi kepada orang yang baik
  - III Membuat tuduhan zina yang bertujuan untuk menafikan keturunan seseorang
  - IV Membuat tuduhan berzina kepada perempuan dan lelaki yang belum berkahwin
- A I, II dan III sahaja
  - B I, II dan IV sahaja
  - C II, III dan IV sahaja
  - D I, II, III dan IV
- S65** Manakah pengertian berikut yang tidak menerangkan maksud etika?
- A Etika ialah ilmu yang dapat mengatur pergaulan sesama manusia
  - B Etika ialah ilmu yang dapat menjelaskan sesuatu perkara yang baik dan buruk
  - C Etika ialah ilmu mengenai matlamat terakhir dari seluruh usaha yang dilakukan oleh manusia
  - D Etika ialah ilmu mengenai keupayaan diri untuk melaksanakan semua amanah yang dipertanggungjawabkan
- S66** Manakah pernyataan yang paling tepat mengenai tuntutan bekerja dalam Islam?
- A Bekerja dapat melahirkan sifat rajin untuk beribadah
  - B Bekerja dapat menjalinkan hubungan silaturahmi sesama manusia
  - C Bekerja dapat meningkatkan taraf hidup seseorang dengan cara yang halal
  - D Bekerja adalah alat untuk mendapatkan kekayaan bagi membantu orang miskin
- S67** Apakah yang dimaksudkan dengan bekerja penuh kesungguhan untuk mengabdikan diri kepada Allah S.W.T.?
- A Bekerja walaupun tidak mendapat pujian
  - B Bekerja dengan istiqamah kerana Allah S.W.T.
  - C Bekerja dengan mengikut segala suruhan Allah S.W.T.
  - D Bekerja untuk menyumbangkan idea kepada masyarakat



**S68** Bagaimanakah cara untuk menjadikan pekerjaan itu suatu ibadah dalam Islam?

- A Tidak menjaga batas halal dan haram semasa melakukan pekerjaan
- B Membenarkan perhubungan secara bebas antara lelaki dan perempuan
- C Tidak melakukan perkara yang diharamkan semasa melakukan pekerjaan
- D Berusaha untuk mencapai matlamat tanpa mengambilkira halal dan haram

**S69** Apakah maksud etika individu dari perspektif Islam?

- A Garis panduan kepada individu Muslim yang membezakan antara yang benar dan salah, baik dan buruk
- B Garis panduan yang menentukan sesuatu boleh dibuat atau tidak boleh dibuat oleh individu Muslim dalam melakukan pekerjaan
- C Garis panduan yang berkaitan dengan pembentukan nilai dalam diri individu Muslim dengan berpandukan arahan majikan
- D Garis panduan bagi individu Muslim untuk menjalankan tugas secara benar dan salah, baik dan buruk, patut dan boleh dilakukan dengan berpandukan al-Quran dan Hadith

**S70** Manakah berikut merupakan budaya kerja Kumpulan Kawalan Mutu yang termasuk dalam etika kerja Islam?

- A Sentiasa bekerja secara tekun dan cekap
- B Sentiasa berusaha untuk mencapai mutu kerja yang telah ditetapkan
- C Sentiasa melakukan penambahbaikan berterusan bagi mencapai mutu kerja
- D Sentiasa menghindari daripada melakukan sebarang kesilapan sewaktu bekerja

**S71** Apakah manifestasi daripada integriti organisasi?

- A Fail meja
- B Piagam pelanggan
- C Misi dan visi organisasi
- D Pengurusan kualiti organisasi

**S72** Apakah yang dapat difahami daripada konsep akauntibiliti?

- A Ketelusan
- B Keyakinan
- C Kepercayaan
- D Kebijaksanaan

*Handwritten notes in blue ink, partially legible, including the word 'KUALITI'.*

**S73** Apakah perkara yang mewajibkan seorang suami memberi nafkah?

- A Apabila isteri tidak bekerja
- B Suami memiliki harta yang berlebihan
- C Isteri tidak mempunyai pendapatan tetap
- D Apabila perkahwinannya sah menurut hukum syarak

**S74** Apakah yang dimaksudkan dengan harta sepencarian?

- A Harta yang dimiliki oleh isteri dalam tempoh perkahwinan
- B Harta yang dimiliki oleh suami dalam tempoh perkahwinan
- C Harta yang dimiliki oleh suami isteri dalam tempoh perkahwinan
- D Harta yang dimiliki oleh suami isteri selepas tempoh perkahwinan

**S75** Apakah langkah yang mampu mendidik isteri nusyuz?

- I Memulaukan tempat tidur
- II Memukul dengan tidak memudaratkan
- III Mengurangkan perbelanjaan harian isteri
- IV Memberikan nasihat dan teguran yang baik

- A I, II dan III sahaja
- B I, II dan IV sahaja
- C II, III dan IV sahaja
- D I, II, III dan IV

**S76** Apakah hak yang gugur apabila berlaku perceraian ke atas isteri nusyuz?

- A Mutaah
- B Hadanah
- C Nafkah iddah
- D Harta sepencarian

**S77** Apakah syarat-syarat berikut yang menyebabkan isteri gugur hak hadanah?

- I Gila
- II Murtad
- III Tidak menutup aurat
- IV Tidak berkemampuan

- A I, II dan III sahaja
- B I, II dan IV sahaja
- C II, III dan IV sahaja
- D I, II, III dan IV

Soalan 78 dan 79 merujuk kepada Pernyataan 4.

**Pernyataan 4**

Ahmad seorang warga emas yang uzur tinggal bersama isterinya di sebuah kampung. Beliau mempunyai tiga orang anak yang kini telah dewasa. Keuzuran isterinya telah menjadikan kehidupannya tidak teratur. Beliau berhasrat untuk mengahwini seorang gadis muda di kampungnya sebagai isteri kedua bagi membantu menguruskan kehidupannya.

**S78** Apakah hukum perkahwinan bagi Ahmad?

- A Sunat
- B Wajib
- C Harus
- D Makruh

**S79** Apakah langkah yang paling sesuai dilakukan Ahmad?

- I Mengambil pembantu rumah
  - II Tinggal bersama anak-anaknya
  - III Meneruskan hasrat untuk berpoligami
  - IV Berusaha menguruskan dirinya sendiri
- A I, II dan III sahaja
  - B I, II dan IV sahaja
  - C II, III dan IV sahaja
  - D I, II, III dan IV

**S80** Apakah hikmah diharuskan berpoligami dalam Islam?

- A Membantu golongan wanita
- B Menambah konflik rumahtangga
- C Menambah seri kehidupan berkeluarga
- D Memelihara diri daripada melakukan perbuatan keji

- SOALAN TAMAT -